

Prodavac „MIKROTEH“ D.O.O. Sarajevo, Terezija BB, 71000 Sarajevo (u daljem tekstu: Prodavac)

i Javna ustanova Psihijatrijska Bolnica Kantona Sarajevo, Nahorevska 248 kao Kupac (u daljem tekstu: Kupac) dana 24.07.2017 -godine, u Sarajevu sklapaju slijedeći

UGOVOR O KUPOVINI RAČUNARSKE OPREME

Ugovorne strane su suglasne o slijedećem:

Član 1.

Prodavac, se obavezuje prodati kupcu, a ovaj se obavezuje kupiti slijedeću robu i to po Predračunu broj: 634.godine od 10.07.2017. godine i prema specifikaciji robe navedene u predračunu.

Član 2.

Kupoprodajna cijena obostrano je ugovorena između Prodavaca i kupca u iznosu od 5.918,00 KM bez PDV-a, sa PDV-om u iznosu od 6.925,00 KM. Kupac je dužan isplatiti Ugovornu cijenu u iznosu navedenom u prednjem stavku ovog člana u roku i to Avansno **plaćanje 50% od ugovorene što iznosi 3.462,50 KM, ostatak po isporuci robe u iznosu od 3.462,50 KM**, od dana potpisivanja Ugvora.

Član 3.

Prodavac se obvezuje, ugovorenu i prodanu robu predati kupcu u mjestu Nahorevska 248, 71000 Sarajevo odmah nakon plaćanja ugovorene cijene. Prodavac je izvršio obvezu predaje stvari kupcu kada mu stvar uruči ili preda ispravu kojom Kupac može preuzeti stvar. Prodavac je dužan predati stvar u ispravnom stanju zajedno sa njenim pripadnostima. U slučaju kada je potrebno izvršiti prijevoz stvari, a nije određeno mjesto predaje, predaja je izvršena uručenjem stvari prijevozniku ili osobi koja organizira otpremu.

Član 4.

Troškove predaje kao i one troškove koji prethode predaji snosi Prodavac, a troškove odnošenja, kao i sve ostale troškove poslije predaje snosi Kupac. Garancija na isporučenu robu – prema specifikaciji proizvođača od dana isporuke robe uz redovno snabdijevanje rezervnim dijelovima i potrošnim materijalom.

Član 5.

Do predaje stvari kupcu rizik slučajne propasti ili oštećenja stvari snosi Prodavac. Predajom robe rizik prelazi na kupca, ali rizik ne prelazi na kupca ako je on zbog nedostatka prodane stvari raskinuo ugovor ili tražio zamjenu stvari. Ako predaja robe nije izvršena zbog zakašnjenja kupca rizik prelazi na kupca u trenutku kada je pao u zakašnjenje.

Član 6.

Ako propadne individualno određena roba Prodavac neće biti u obvezi predati tu stvar kupcu, jer je to nemoguće, i nema pravo zahtijevati isplatu ugovorene cijene, a u obvezi je vratiti puni iznos kupovne cijene, ako je taj iznos već primio. Ako se radi o robi određenoj po rodu (generičkoj robi) Prodavac se ne oslobađa obveze isporuke robe kupcu, već je dužan i obvezan predati drugu količinu robe iste vrste.

Član 7.

Sporazumom ugovornih strana utvrđuje se da će Kupac putem vršitelja kontrole izvršiti stručnu i nepristranu kontrolu robe. Kontrola robe će se sastojati u utvrđivanju identiteta, kvalitete, količine i drugih svojstava robe.

Član 8.

Prodavac odgovara za materijalne nedostatke stvari koje je ona imala u času prelaska rizika na kupca, bez obzira da li mu je to bilo poznato. Prodavac odgovara i za one materijalne nedostatke koji se pojave poslije prelaska rizika na kupca, ako su posljedica uzroka koji je postojao prije toga. Materijalni nedostaci na robi postoje:

- ako stvar nema potrebna svojstva za njenu redovnu upotrebu ili za promet,
- ako stvar nema potrebna svojstva za naročitu uporabu za koju je Kupac nabavlja, a koja je bila poznata Prodavcu, ili mu je morala biti poznata,
- ako stvar nema svojstva i odlike koje su izričito ili prešutno ugovorene, odnosno propisane ,
- ako je Prodavac predao stvar koja nije odgovarajuća uzorku ili modelu, osim ako je uzorak ili model pokazan samo radi obavještenja.

Prodavac ne odgovara za nedostatke ako su ti nedostaci u trenutku sklapanja ugovora bili poznati kupcu ili mu nisu mogli ostati nepoznatima. Smatra se da nisu mogli ostati nepoznati kupcu oni nedostaci koja bi brižljiva osoba sa prosječnim znanjem i iskustvom osobe istog zanimanja i struke kao Kupac mogla lako opaziti pri uobičajenom pregledu stvari. Prodavac odgovara i za nedostatke koje je Kupac mogao lako opaziti, ako je izjavio da stvar nema nikakve nedostatke ili da ima određena svojstva ili odlike.

Član 9.

O vidljivim nedostacima robe Kupac je dužan izvijestiti Prodavaca u roku od osam dana, a kod ugovora u gospodarstvu bez odlaganja, jer inače gubi to pravo. Kad se nakon primitka stvari od strane kupca pokaže da stvar ima neki nedostatak koji se nije mogao otkriti uobičajenim pregledom prilikom

preuzimanja stvari (skriveni nedostatak), Kupac je dužan pod prijetnjom gubitka prava, o tom nedostatku obavijestiti Prodavca u roku od osam dana računajući od dana kad je nedostatak otkrio, a kod ugovora u gospodarstvu bez odgađanja. Prodavac ne odgovara za nedostatke koji se pokažu pošto protekne šest mjeseci od predaje stvari.

Član 10.

Prodavac odgovara ako na prodanoj stvari postoji neko pravo trećeg koje isključuje, umanjuje ili ograničava kupčevo pravo, a o čijem postojanju Kupac nije obaviješten. niti je pristao da uzme stvar opterećenu tim pravom. Kad se pokaže da treća osoba polaže neko pravo na stvar, Kupac je dužan izvijestiti Prodavca o tome, izuzev kad je to Prodavcu već poznato, i pozvati ga da u razumnom roku oslobodi stvar od prava ili pretenzije trećeg ili da mu, kad su predmet ugovora stvari određene po rodu, isporuči drugu stvar bez pravnog nedostatka. Pravo kupca po osnovi pravnih nedostataka gasi se istekom godine dana od saznanja za postojanje prava trećeg. Ali ako je treća osoba prije isteka toga roka pokrenula spor, a Kupac pozvao Prodavca da se u spor umiješa, pravo kupca se gasi tek istekom šest mjeseci nakon pravomoćno okončanog spora .

Član 11.

Kupac koji se ne obavještavajući Prodavca upustio u spor sa trećom osobom i spor izgubio može se pozvati na odgovornost Prodavca za pravne nedostatke, izuzev ako Prodavac dokaže da je raspolagao sredstvima da se odbije zahtjev trećeg. Kupac ima pravo pozvati se na odgovornost Prodavca za pravne nedostatke i kada je ne obavještavajući Prodavca i bez spora priznao očigledno pravo treće osobe, a u slučaju da je Kupac trećoj osobi isplatio određeni iznos da bi treća osoba odustala od svog očiglednog prava Prodavac se može osloboditi svoje odgovornosti ako naknadi kupcu isplaćeni iznos trećoj osobi i kupcu naknadi štetu, s tim da na kupcu leži teret dokaza za nastalu štetu, kao i dokazati visinu štete prema općim pravilima o dokazivanju štete.

Član 12

Ugovorne strane su se saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima

Član 13.

Ugovorne strane se obvezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu .

Član 14.



Ovaj ugovor je napravljen u 4 istovjetnih primjeraka od kojih svaka strana zadržava po 2 primjerka.

Prodavac
Direktor
Fikret Hamidjić



Broj: 23-05/2012
Sarajevo, 25.05.2012 god

Kupac
Direktor
Ahmić dr. Muhamed
spec.neuropsihijatar



Broj: 064-2012/117
Sarajevo, 25.04.2012